

ՍՈՒՐԲ ՕԾՈՒԹՅԱՆ ՅՈՒՂԸ ԴՈՒ ԿՆՔՎԱԾ ԵՍ, ԼՑՎԱԾ ԵՍ, ՊԱՏՐԱՍՏ ԵՍ

ԲԱՆԱԼԻ ՀԱՄԱՐՆԵՐ. ԵԼ. 30.22–33

22 Տերը խոսեց Մովսեսի հետ՝ ասելով. 23 Վերցրո՛ւ քեզ մոտ լավագույն համեմունքներ. 6 կգ. զմուռս, դրա կեսի չափ այսինքն 3 կգ. անուշահոտ դարչին, 3 կգ. անուշաբույր խնկեղեգ, 6 կգ. կասիա, և 3.5 լիտր ձիթայուղ:

25 Դրանով սուրբ օծության յուղ կպատրաստես՝ յուղագործի արհեստով բաղադրված: Դա սուրբ օծության յուղ կլինի: 26 Դրանով կօծես ժողովի վրանը, վկայության տապանակը, 27 զոհասեղանն ու նրա բոլոր անոթները, աշտանակն ու նրա սպասքը, խնկարկության սեղանը, 28 ողջակեզների զոհասեղանն ու նրա ամբողջ սպասքը, ավազանն ու նրա պատվանդանը: 29 Կսրբագործես դրանք, որ ամենասուրբ լինեն. ինչ որ դիպչի դրանց, սուրբ պիտի լինի:

30 Կօծես Ահարոնին ու նրա որդիներին, կսրբագործես նրանց, որպեսզի քահանայություն անեն ինձ համար: 31 Իսրայելի որդիների հետ կխոսես՝ ասելով. Սա ինձ համար սուրբ օծության յուղ պիտի լինի ձեր սերունդների մեջ: 32 Ուրիշ մարդկանց մարմինները չպետք է օծվեն դրանով. նույն բաղադրությամբ դրա նմանը չպատրաստեք. դա սուրբ է և ձեզ համար էլ սուրբ պետք է լինի: 33 Ով որ դրա նմանը պատրաստի, կամ ով որ դրանից օտարականի վրա դնի, պիտի վերանա իր ժողովրդի միջից:

Այստեղ Տերը Մովսեսին տալիս է հատուկ բաղադրատոմս
Սուրբ օծության յուղի համար: Այդ յուղը սովորական չէր. այն
սուրբ էր, առանձնացված և նախատեսված միայն Աստծո
նպատակների համար:

31 ...Սա ինձ համար սուրբ օծության յուղ պիտի լինի ձեր
սերունդների մեջ:

1. ՅՈՒՂԸ ԽՈՐՀՐԴԱՆՇՈՒՄ Է ՍՈՒՐԲ ՅՈՉԻՆ

1 Թագ. 16.13 – Սամուելը վերցրեց յուղի եղջյուրը և
օծեց նրան իր եղբայրների մեջ, և այդ օրից հետո
Տիրոջ Յոզիան զորավոր կերպով իջավ Դավթի վրա:

23 Վերցրո՛ւ քեզ մոտ լավագույն համեմունքներ...

Տերը պատվիրում է օգտագործել **հինգ
բաղադրիչ՝** զմուռսը, դարչինը, խնկեղեգը,
կասիան և ձիթայուղը...

- Յինգ թիվը հաճախ կապված է շնորհի
ամբողջականության հետ

5 մնաս – իշխանություն հինգ քաղաքների վրա

5 եղբայրները – Ղուկաս 16.28

5 սրահները (Բեթեզդայի ավազան)

5 հացի բազմացումը

5 իմաստուն կույսերը

Յիսուսի հինգ վերքերը

Այս յուղը արտացոլում է Քրիստոսի կյանքը մեր մեջ:

Չմուռս, դարչին, խնկեղեգ, կասիա և ձիթապտղի յուղը ամբողջապես արտահայտվեցին Հիսուսի կյանքի և ծառայության մեջ. Նա կրեց զմուռսի տառապանքը, երբ խաչի վրա գոհվեց մեր մեղքերի համար (Եսայիա 53), Նրա կյանքը լի էր դարչինի քաղցրությամբ, քանի որ Նա հայտնեց Աստծո բարությունն ու շնորհը (Սաղմոս 34.8), Նա ապրեց խնկի ուղիղ և անարատ կյանքով, լինելով առանց մեղքի և կատարյալ հնազանդ (Փիլիպպեցիներ 2.15), Նրա վրա էր կասիայի թագավորական իշխանությունն ու անուշ բույրը, որովհետև Նա Օծյալ Թագավորն էր, արդարությամբ իշխող (Սաղմոս 45.7-8), և վերջապես Նա լիովին օծված էր ձիթապտղի յուղով՝ Սուրբ Հոգով, որ իջավ Նրա վրա և առաջնորդեց ամբողջ ծառայության ընթացքում (Ղուկաս 4.18, Չաքարիա 4.6):

Մեր կյանքում էլ այսպես է. Երբ սգում ես, Սուրբ Հոգին քեզ օծում է «զմուռսով»՝ մխիթարելով քեզ... Երբ կյանքը դառնություն է բերում, Նա քեզ տալիս է «դարչինի» քաղցրություն: Երբ աղոթում ես, Սուրբ Հոգին քո աղոթքները խնկի պես

բարձրացնում է Չոր առաջ, և քո պայքարների ժամանակ Նա քեզ օժուժ է «կասիայի» յուղով՝ քեզ տալով հաղթություն քո թշնամիների դիմաց (Սաղմոս 23.5):

- Մի կարևոր բան, որ պետք է հիշենք. այս յուղը սուրբ էր, և արգելված էր այն կրկնօրինակել կամ չարաշահել: Ինչպես գրված է Ելից 30.32-ում.

32 Ուրիշ մարդկանց մարմինները չպետք է օծվեն դրանով. նույն բաղադրությամբ դրա նմանը չպատրաստեք. դա սուրբ է և ձեզ համար էլ սուրբ պետք է լինի:

Գործք Առաքելոց 8.17-19 – Այդ ժամանակ ձեռքերը նրանց վրա դրեցին, և նրանք Սուրբ Չոգին ստացան: Սիմոնը, տեսնելով, որ առաքյալների ձեռք դնելով Սուրբ Չոգին տրվում է, նրանց փող առաջարկեց և ասաց. Ի՛նձ էլ այս իշխանությունը տվեք, որպեսզի ում վրա ձեռքս դնեմ, Սուրբ Չոգին ստանա:

2. ՅՈՒՂԸ ԿՆՔՈՒՄ և ՆՇԱՆԱՎՈՐՈՒՄ Է ՀԱՎԱՏԱՑՅԱԼԻՆ

Եփեսացիս 1.13 – Երբ ճշմարտության խոսքը լսեցիք՝ ձեր փրկության Ավետարանը, որին հավատացիք, խոստացված Սուրբ Չոգով կնքվեցիք,

«Կնքվել» նշանակում է՝ Սեփականություն

Բ Տիմ. 2.19 – Բայց Աստծու հաստատած հիմքը կանգուն է և այս կնիքն ունի. Տերը ծանաչում է նրանց, որոնք իրենն են.

Բ Կոր. 1.21-22 – Բայց մեզ ձեզ հետ Քրիստոսով հաստատողը և մեզ օժողը Աստված է, որ մեզ նաև կնքեց և Յոգու դրոշմը մեր սրտերի մեջ դրեց:

*Յռ. 8.9 – Բայց դուք մարմնին չեք հետևում, այլ Յոգուն, **եթե** Աստծու Յոգին ձեր մեջ է բնակվում: Իսկ եթե մեկը Քրիստոսի Յոգին չունի, նա նրան չի պատկանում:*

Ելիցի յուղը արտաքին էր, իսկ այժմ Սուրբ Յոգին քո ներսում է և մշտական:

Սուրբ Յոգով լցված կյանքի կոչ

Լցվե՛ք Սուրբ Յոգով, աղոթե՛ք Սուրբ Յոգով, և այսուհետև զորացե՛ք Տիրոջով ու Նրա զորության ուժով, Սուրբ Յոգու կրակը մի՛ մարեք...

3. ՅՈՒՂԸ ՊԱՏՐԱՍՏՈՒՄ Է ՀԱՎԱՏԱՑՅԱԼԻՆ՝ ՓԵՍԱՅԻՆ ԴԻՄԱՎՈՐԵԼՈՒ (ՄԱՏԹԵՈՍ 25.1–13):

Յիսուսի այս առակում նշված են տասը կույսեր՝ հինգը իմաստուն և հինգը հիմար: Բոլորն ունեին լապտերներ, բայց միայն հինգը ունեին ավել յուղ:

- *Խոսքն ասում է որ «Եվ երբ փեսան ուշացավ, բոլորը նիրհեցին ու քնեցին»:*

Այդ ժամանակ բոլոր կույսերը վեր կացան ու իրենց լապտերները կարգի բերեցին:

Յիմարներն իմաստուններին ասացին. Մեզ ձեր յուղից տվեք, որովհետև մեր լապտերները հանգչում են:

Մատթեոս 25-ի ողբերգությունը այն չէ, որ հիմարները լապտեր չունեին, այլ այն, որ նրանց լապտերներում յուղ չկար՝ Քրիստոսի կյանքը իրենց մեջ:

Իսկ նա պատասխանեց ու ասաց. Ճշմարիտ եմ ասում ձեզ. ես ձեզ չեմ ձանաչում: Արդ արթոն կացեք, որովհետև չգիտեք ո՛չ օրը, ո՛չ էլ ժամը (Մատթեոս 25.12-13):

Եվ այսպես՝ ինչո՞ւ հինգ կույսեր:

Կարո՞ղ ենք ասել, որ Ելից 30-ի օծության յուղի հինգ բաղադրիչները գործնականորեն դրսևորված էին միայն այս հինգ իմաստուն կույսերի լապտերների մեջ:

*Իմաստուն կույսերը ունեին ամբողջական յուղ,
այսինքն՝ Սուրբ Հոգու լիությունն ու Քրիստոսի
կյանքի հրական ներկայությունը հրենց մեջ:*

*Ո՞վ ունի հրական յուղ, և ո՞վ է լցված Սուրբ Հոգով
մինչև վերջ*

**ԻՆՉ Է ԱՍՈՒՄ ՍՈՒՐԲ ՀՈԳԻՆ ՔԵՉ ԱՅՍ ՊԱՏԳԱՄԻ
ՄԻՋՈՑՈՎ:**